

金匱要略編注

張仲景金匱要略卷二

構李沈明宗目甫編註

序

陽病發熱無汗反惡寒者名曰剛痙太陽病發熱出而不汗者名曰柔痙

此以風寒二證辨定剛柔二痙也。痙病由於太陽發熱無汗反惡寒之風傷衛證爲柔痙。發熱出汗不惡寒之風傷衛證爲剛痙。發熱汗出而頭重目眩者亦屬柔痙。然未具低頭視不脊強反折仲景遂爲痙者何也蓋欲明其無汗惡寒

營實爲剛。痙之始有汗。不惡寒。衛虛爲柔。痙之先。故揭此二條著其要領也。

太陽病發熱。脉沈而細者。名曰痙。爲難治。

此明痙病必挾濕也。太陽病發熱卽寒傷營分。而脈沈細。不見下利。手足逆冷。是非裏寒外熱之比。乃太陰濕盛。滯於太陽。凝滯氣血。經筋將來。背反張硬。或低頭視下。發如癟狀。勢必卽至。所以未兆之先。直斷爲痙。此太陽而見太陰賊尅之脉。故曰

難治。

病者身熱足寒。頸項強急。惡寒。時頭熱。面赤目赤。獨

頭動搖卒口噤背反張者癰病也若發其汗者寒濕相得其表益虛卽惡寒甚發其汗已其脉如蛇○暴腹脹大者爲欲解其脉如故反伏弦者癰○夫癰脉按之緊而弦直上下行

脈經云癰家其
伏堅直上下

此言治癰不可大汗也寒濕滯於太陽經筋格陽於上身熱而足寒太陽經脉受邪則頸項強急寒濕居下陽不下達足寒而頭熱太陽而兼陽明發面目赤而卒口噤太陽與督脉風爲主病獨頭動搖背反張而爲癰病蓋癰乃經筋陽虛而受陰濕治之不可大發其汗汗則氣傷而邪反不去寒濕

相得反爲留連致表益虛而惡寒甚陽傷濕盛則
脉堅勁動猶如蛇乃譬掙紐奔迫之狀也○暴腹
脹大者似乎邪傳太陰暴煩自利欲解之微若其
脉仍如故而反伏弦要知汗傷其陽邪氣內傳而
爲太陰痙矣○太陽經筋原挾督脈而行筋受寒
濕脉緊弦而強直上下經謂督脈爲病脊強反者
正指此痙而言也

太陽病發汗太多因致痙○夫風病下之則痙復發
汗必拘急○瘡家雖身疼痛不可發汗汗出則痙
此三條乃明他病汗下不當則變痙也太陽病是

當發汗散邪，然過汗則傷津液，氣血經筋無養，筋枯攣縮，則爲痙攣矣。○風病下之，則傷陰血，血不濡筋，以故作痙，復發其汗，又傷陽氣，以致陰陽津液俱傷，不能榮養筋脈，勢必拘急而爲痙也。○瘡家營血素虧，若發其汗，更傷血液，筋脉無養，則成瘻矣。以上二治他病，汗下之後，而變痙者，務必參明此意，施治則善。

痙病有灸瘡難治

此有灸瘡致痙也。灸瘡乃用艾火燃之，百脉火通，經穴疎暢，血氣因脹而鬱，汗吐下三法皆不能施。

故曰難治

太陽病其證備身體強几几然脉反沈遲此爲痝括
葛桂枝湯主之

此出柔痝之方也太陽證備身體強故爲痝病几
凡然者如短翼之鳥欲飛而不能飛之狀是兼陽
明矣然風少濕多侵於肌肉以致脉沈濕鬱氣滯
脈則遲矣若以太陽較之其脉當浮此得太陰濕
脉故脉反沈遲此之沈遲必然有力非虛寒軟弱
之此故爲病痝然雖不言有汗之柔痝此用桂枝
湯和營衛而解太陽衛分之邪拈葛能清胸膈之

熱不出有汗風傷衛之大法可以意會

桔梗桂枝湯方

桔梗根三兩

桂枝三兩

去皮

甘草二兩

炙

芍藥三兩

生薑三兩

切

大棗十二枚

擘破

右六味㕮咀以水七升微火煮取三升去滓適寒

溫服一升

太陽病無汗而小便反少氣上衝胸膈不得語欲作剛痉葛根湯主之

此出剛痉之方也太陽病無汗是同寒傷營證但濕鬱胸胱氣化不行故小便反少邪入陽明則氣

上衝胸而口噤不得語故曰欲作剛瘓此太陽而
兼陽明經肺大筋受邪所以無汗故用桂枝湯和
營衛加葛根麻黃汗解太陽陽明兩經寒濕之邪
也

葛根湯

葛根

四兩

麻黃

三兩去節

桂枝

二兩去皮

甘草

二兩炙

芍藥

二兩

生薑

三兩切

大棗

十二枚擘

右七味以水一斗先煮麻黃葛根減三升去上沫
內諸藥煮取三升去滓溫服一升覆取微似汗
症爲病胸滿口噤臥不着席脚掣急必介齒可與大

承氣湯

此太陽陽明之癰也。太陽之邪內入爲胸滿並侵
陽明經筋則口噤臥不着席腳攣急者太陽角弓
反張之變辭介齒者陽明口噤之變辭也。此太陽
陽明兩經合爲瘡病故曰可與大承氣僅疏陽明
之邪耳。尚論謂太陽之邪並兼陽明其勢非緩法
能解用大承氣使太陽陽明之邪盡從中土而出
蓋太承氣由胸至胃腸而陽明邪去勢如奔馬若
太陽之邪未必盡由中土而出表反內入不爲害
乎詳仲景是欲狹小其制惟疏陽明之邪故曰可

與亦商酌之意讀者詳之

大承氣湯

大黃

四兩
酒洗

厚朴

半兩
去皮

枳實

五枚
炙

芒硝

三合
冷

右四味以木一斗先煮枳朴二物取五升去滓內大黃煮取二升去滓內芒硝更上微火一兩沸分溫再服得下餘勿服

論曰。瘡乃強直之貌。始因太陽感受風寒。更兼濕邪粘着經筋。故爲瘡病。經謂諸瘡項強。皆屬於濕也。然寒濕相合爲剛瘡。風濕相合爲柔瘡。但發於太陰濕令膀胱受邪。而有六經傳變虛實寒熱多。

少之分耳。如新產血虛多汗出，喜中風而病癰者，乃血虛受風成癰。後人更名產後驚風，失其旨矣。本論首條發明無汗爲剛，有汗爲柔，次以太陽發熱而脈沈細是兼太陰寒濕土來赴水，故爲難治。三條出其癰證之備，又戒發汗而傷其陽，又謂太陽病發汗過多者，風病下之者瘡家身疼者，癰病有灸瘡者，乃他證之戒，是非遂爲癰矣。以括囊桂枝葛根二湯發明表證虛實之治，而傳變諸證使人倣此消息活法治之。有竹葉湯加附子以治產後頸項強，乃陽虛濕盛之癰。大承氣湯或見內實。

原。有。疏。解。非。爲。攻。下。而。設。示。此。諸。法。明。其。大。綱。而。
令。人。觸。類。病。通。以。虛。實。寒。熱。隔。證。化。裁。爲。尚。勿。以。
三。方。定。治。二。症。之。法。爲。盡。耳。蓋。方。中。行。傷。寒。條。辨。
謂。小。兒。角。弓。反。張。手。足。抽。搐。後。世。兒。科。總。名。驚。風。
誤。治。謂。非。驚。風。亦。爲。症。病。余。詳。此。乃。少。陰。少。陽。客。
氣。所。至。爲。驚。爲。癇。感。冒。熱。邪。所。致。實。非。驚。風。並。非。
症。病。故。詳。及。之。

再。按。本。論。以。太。陽。病。有。汗。表。虛。爲。痙。無。汗。表。實。
爲。剛。痙。是以。虛。實。而。定。剛。柔。其。辨。最。切。後。人。妄。以。
角。弓。反。張。爲。剛。低。頭。視。下。爲。柔。謬。之。甚。矣。經。謂。陽。

急則反折陰急則僂不伸乃指胸背而言也殊不知太陽經筋行身之背挾脊並督脈上行嶺頸寒濕侵入大筋故顯軟短拘急而爲角弓反張無汗故爲剛痙而有汗則爲柔矣陽明經筋行身之前故低頭視下肘膝相搆若有汗爲柔而無汗則爲剛矣及至傳進三陰經脉皆行於裏但見拘急筋膝相搆僂而不仰並無角弓反張之勢豈不爲瘧乎然剛柔誠因表之虛實汗之有無爲的若以衡抑辨之卽如少陽經絡行身之側一手一目斜視抽搐而無俯仰以何辨別剛柔讀者詳之

溫

濕家之爲病、一身盡疼發熱、身色如薰黃也。

此概言傷濕之病也、經云、濕淫所勝、太陽受邪、流於關節肌表之間、血凝氣滯、則一身盡疼、發熱邪。正鬱遏化爲濕熱、蒸騰發越於肌肉皮膚之間、故顯爲黃、然濕爲陰邪、以陰從陰、感於血分、身色猶如薰黃、若風邪入於陽明衛分、黃如橘子色矣。

太陽病、關節疼痛而煩、脉沈而細者、此名中濕、亦曰濕痺、其候小便不利、大便反快、但當利其小便。

此中濕表裏並言也、濕淫所勝、流於太陽關節、發

氣不和則關節疼痛、陽鬱不伸故發煩也。蓋濕傷陰土脾陽氣滯脈當沈細則爲中濕若胃家陽土受邪發熱脈緩浮大廻爲傷濕矣然濕傷於營粘着不移故曰濕痺膀胱氣化不行故小便不利邪流大腸則大便反快但當利其小便使周身之濕自從小便而出乃濕淫於內之正治也。

濕家病身疼發熱面黃而喘頭痛鼻塞而煩其源大自能飲食腹中和無病病在頭中寒濕故鼻塞納藥鼻中則愈

此濕淫於上與濕從下受不同也濕邪感於太陽

與肺氣相合氣鬱於表故身疼發熱面黃而喘頸
痛鼻塞而煩也邪居於表故脉大自能飲食者腹
中和而無病當責病在頭中寒濕寒濕者以濕屬
陰故也蓋鼻爲肺竅肺氣受濕則鼻塞故當納藥
鼻中搐去黃水俾肺氣通調大氣一轉肌腠開而
濕痺解矣

濕家身煩疼可與麻黃加术湯發其汗爲宜慎不可
以火攻之

此傷濕之方也寒濕居表營實陽鬱故無汗而身
煩疼須得微汗則解所以麻黃湯加白术取微微

似汗則表濕俱去。木得麻黃燥濕安土之功更倍。
若以火攻必致大汗淋漓陽脫邪陷爲患不淺故
當戒之。

麻黃加木湯

麻黃

三兩去節

桂枝

二兩去皮

甘草

一兩炙

白朮

四兩

杏仁

七十箇去皮尖

右五味以水九升先煮麻黃減二升去上沫內著
藥煮取二升半去滓溫服八合覆取微汗。

濕家其人但頭汗出背強欲得覆被向火若下之甚
則癓或胸滿小便不利舌上如胎者以丹田有熱胸

上有寒渴欲得飲而不能飲則口燥煩也

此言表濕誤下邪陷之變也。濕淫所勝，牽着太陽身背，則強鬱過陽氣，不得下達，氣反上蒸，故頭汗出。若太陽病不發熱，背強，欲得覆被，向火，乃屬衛虛。濕盛，則當溫經散邪爲正。此不溫經而反下之，濕邪乘虛，陷入胸間，則噦而胸滿，與結胸痞氣，同胸邪拒格肺不通調，故小便不利，熱蒸津液，膩滯於舌，則舌上如胎實，非胎也。下則傷陰，陰傷則火，盛於下爲丹田，有熱邪陷於胸爲胸，上有寒，寒即濕也邪。格陽氣在上，燥爍津液，則渴欲得飲而

濕。陷。胸。中。制。燥。故。不。能。飲。但。口。燥。煩。也。
濕家下之，額上汗出微喘，小便利者死。若下利不止者亦死。

此濕家誤下致死也。中濕之人，內陽必虛，濕邪在表，但欲微微似汗而散經，謂濕淫所勝，治以芳藥，佐以酸淡燥泄，濕邪內經之正法也。誤以峻劑下之，徒傷脾腎之氣陽，從上脫則額上汗出而喘陰從下脫，則二便滑利不止，故皆主死。

論曰：金匱方論六條以濕淫所勝，胸胱受邪，一身盡疼，發熱，身如薰黃，乃邪正鬱蒸之證也。關節

疼痛而煩者太陽表邪而兼太陰裏證背強欲得
覆被向火者陽虛濕盛爲寒濕而兼誤治之變然
邪從外入須從外出故用麻黃加术湯開腠通陽
燥濕而爲治病之常若身疼發熱面黃而喘頭痛
鼻塞而煩非傷寒陽乃濕傷於上故納藥鼻中取
嚏散邪因病變法亦變矣蓋濕邪傳裏經有濕溼
於內治以苦熱佐以酸淡若濕熱爲病當易苦寒
是爲正法不似傷寒直施攻下致傷中氣輕變則
爲胸上有寒丹田有熱重陽上焦陽脫額上汗出
微喘下焦陽脫則前後二氣自利故皆主死此乃

仲景微人以表裏寒熱虛實脉證常變之法臨證化裁處方爲治病之權衡非僅麻黃等湯遂爲一定之法也

風濕

病者一身盡疼發熱日晡所劇者此名風濕此病傷於汗出當風或久傷取冷所致也可與麻黃杏仁薏苡甘草湯

此風濕兩傷表實之方也風傷於衛濕傷於營邪在太陽陽明兩經營衛之間濕則一身盡疼風則發熱經云地之濕氣感則害人皮肉筋骨然濕多

風少侵於肌肉內連胃腑故日晡中酉陽明王時
則劇蓋汗乃屬濕汗出未乾當風取冷風汗乘虛
侵入風濕合而成之故曰汗出當風久傷取冷所
致但無汗爲表實用麻黃開腠通陽以驅營中之
邪甘草和中薏苡淡燥陽明風濕而健脾奠土杏
仁以通肺氣則二經風濕無不解矣

麻黃杏仁薏苡甘草湯

麻黃

五錢

杏仁

十箇去皮尖

薏苡

五錢

甘草

一兩炙

右剉每服四錢七水盞半煎八分去滓溫服有微
汗避風

風濕相搏一身盡疼痛法當汗出而解值天陰雨不止醫云此可發汗汗之病不愈者何也蓋發其汗汗大出者但風氣去濕氣在是故不愈也若治風濕者發其汗但微微似欲汗出者風濕俱去也

此治風濕表實不可大汗也風濕傷於管衛之間邪正相搏一身盡疼發熱法當汗出而解值天陰雨濕陰過盛陽虛不當發汗而大發其汗更傷其陽風性輕揚易去濕邪重濁畱滯故不愈惟欲治風濕者但微微似汗風濕俱去若汗過多反致病劇矣

風濕麻浮身重汗出惡風者防已黃芪湯主之。
此風濕表虛之方也。脈浮爲風邪在衛。身重爲濕氣在營。風多於溼。表虛不固。汗出惡風。然衛虛不可再汗。所以甘木去濕安中。黃芪實表散邪。惟仗防已善驅風濕。固護衛氣之中畧具驅邪之一面耳。

防已黃芪湯

防已

兩

黃芪

兩

甘草

錢

五

白朮

分

七

右剉每抄五錢。匕生薑四片。大棗一枚。水盞半煎。人分去滓溫服。喘者加麻黃五錢。胃中不和。

者加芍藥三分。氣上衝者加桂枝三分。下有陳寒者加細辛三分。服後當如蟲行皮膚中從腰下如冰。後坐被上。又以一被繞腰以下。溫令有微汗差。

風濕相搏。骨節疼煩掣痛。不得屈伸。近之則痛劇。汗出短氣。小便不利。惡風不欲去衣。或身微腫者。甘草附子湯主之。

此陽虛邪盛之證也。風濕傷於營衛。流於關節。經絡之間。邪正相搏。骨節疼煩掣痛。陰血凝滯。陽氣不能輕蹻。故不得屈伸。近之則痛劇也。衛陽虛而

汗出裏氣不足則短氣而小便不利表陽虛而惡風不欲去衣陽傷氣滯故身微腫然表裏陰陽並虛邪實故用甘术附子助陽健脾除濕固護而防汗脫桂枝宜行營衛兼去其風乃補中有發不剽邪而風濕自除蓋風濕證須識無熱自汗便是陽氣大虛當先固陽爲主

甘草附子湯

甘草

二兩
炙

附子

二枚
炮

白术

二兩

桂枝

四兩
去皮

右四味以水六升煮取三升去滓溫服一升日三初服得微汗則解能食汗止復煩者服五合恐一

升多者服六七合爲佳。

傷寒八九日風濕相搏骨節疼煩不能自轉側不嘔
不渴脉浮虛而濇者桂枝附子湯主之如大便堅小
便自利者去桂加白朮湯主之

此傷寒未解重感風濕之邪也傷寒八九日肌表
已虛外邪易襲重感風濕營衛不和故身體疼煩
陽虛不能輕蹠不能自轉側不嘔不渴者裏無病
而證在表脈見浮虛濇者因先發汗而傷陽氣重
襲風濕癥着三陽故以桂枝湯去芍藥之酸收和
營衛而去表風加附子行陽逐濕以開風濕之癥

若中虛邪陷逼迫津液偏滲前陰不潤腸間則大便堅小便自利所以去走表之桂枝加白术安中而生營血津液滋潤腸間之燥耳

桂枝附子湯

桂枝

四兩
去皮

附子

三枚炮
去皮

甘草

二兩
炙

生薑

三兩
切

大棗

十二枚
擘

右五味以水六升煮取二升去滓分溫三服

白术附子湯

白术

一兩
半切

附子

一枚炮
去皮

甘草

二兩
炙

生薑

一兩
半切

大棗

六枚
擘

右五味以水三升煮取一升去滓分温三服一服
覺身癥半日許再服三服都盡其人如冒狀勿怪
卽是木附並走皮中逐水氣未得除故耳

論曰經謂風寒濕三氣雜至合而爲癥可謂邪之
繁也病之盛也金匱更拈風濕二邪合病誠補內
經之未發蓋風傷於衛濕傷於營營衛兩傷在表
則一身盡疼發熱內連陽明肌肉日晡則劇若流
關節風濕相合而爲歷節矣然風濕一證須分濕
多風少無汗而爲表實風多濕少脉浮身重汗出
而爲表虛以麻黃杏仁薏苡甘草湯通陽兼濕而

治表實防已黃芪湯固腠散邪而治表虛此乃表證虛實之常也若骨節疼煩掣痛不得屈伸近之痛劇汗出短氣乃濕陰邪盛內外陽虛與前常法不同以甘草附子湯固護真陽而防陽脫更有傷寒表未全解重感風濕亦因陽微氣弱營衛不克故以桂枝附子湯行陽勝濕調中而祛表邪此與內外陽虛又不同矣然風濕發汗與傷寒發汗亦殊風性輕揚濕邪粘滯但欲微汗則除不然風去濕存病變增劇仲景欲人以營衛陰陽表裏虛實處方但以四方爲立方之法則可不可以爲治風

濕之常技也、

渴

太陽中熱者、渴是也、汗出惡寒、身熱而渴、白虎加人參湯主之、

此言正暑病也、邪之傷人、無有不從皮毛而入、故曰太陽中熱、但汗出惡寒、身熱似乎太陽感冒、而太陽風寒必無作渴之理、此無形暑熱傷於皮毛、內應於心、心氣熱而汗出、肺氣受傷則惡寒邪居一氣分、故身熱而渴、即動而得之爲中暑、此暑乘肺金、以白虎湯清金養胃、生津止渴、暑自清矣、

白虎加人參湯

知母

六兩

石膏

一斤
綿裹
勑碎

甘草

二兩
炙

粳米

人參

三兩

右五味以水一斗煮米熟湯成去滓溫服一升日

三服

太陽中暒發熱惡寒身重而疼痛其脉弦細芤遲小便已洒洒然毛聳手足逆冷小有勞身卽熱口開前板齒燥若發其汗則惡寒甚加溫鍼則發熱甚數下之則淋甚

此暑月陰濕鬱遏肌表外寒裏暑合病也經云巨

陽主氣而先受邪，凡屬外感皆從太陽而入，故曰太陽中暎。此由避暑納涼陰濕外束暑伏於內表，見發熱惡寒，身重疼痛而兼濕滯，故脈弦細或芤遲而虛也。夫小便必得膀胱氣化則出，故小便時而氣化下行，皮毛失其護衛，故小便已洒洒毛聳，手足逆冷，若小有勞擾動內暑發越於外而身卽熱，蓋腎主骨齒乃骨之餘暑傷腎水不能上制心火，燥乾口齒，故口開前板齒燥，夏月陽氣疎洩，膀胱氣虛受邪，設發其汗更傷其陽，則惡寒甚，若溫鍼反助內暑，故發熱甚而下則傷陰，陰水耗而小

便則淋此卽靜而得之內外合邪表同外感當以辛涼解表甘寒清裏卽後人所用香薷飲之類不似傷寒而用甘熱發表故汗下溫鍼在所必戒耳太陽中暎身熱疼重而脉微弱此以夏月傷冷水水行皮中所致也一物瓜蒂湯主之

此傷暑之時非傷暑邪也太陽氣虛則受水邪陽氣抑鬱身熱疼重而脉微弱以故汗法難施惟宜瓜蒂湯湧吐其邪俾胸中大氣一轉膀胱與肺氣開洩通調水濕自從汗便兩解乃精義入神之妙法也

一物瓜蒂湯

瓜蒂二十簡

右剉以水一升煮取五合去滓頓服。
論曰經謂氣虛身熱得之傷暑暑傷於表也因於
暑汗煩則喘喝靜則多言者傷於裏也後夏至日
爲病暑者時令暑病之常也本論謂中喝汗出惡
寒身熱而渴者暑傷元氣之正病以白虎湯益氣
清金太陽中喝發熱惡寒身重疼痛其脈弦細芤
遲者內暑而兼陰濕之變也身熱疼重而脉微弱
夏月傷水者乃傷暑之時非傷暑之邪以瓜蒂湯

力病變法亦變矣故治暑病須合內經金匱常變之法則備

霍亂

病有霍亂者何答曰嘔吐而利名曰霍亂

此言吐而瀉利謂之霍亂也內積痰飲飲食或挾外邪內外令邪爲病前人列於傷寒論中今移於此然霍亂雖因外邪却在夏末秋初四時間或有之實因內蓄積飲傷食而受風寒肝脾不和陡然上吐下瀉故爲霍亂下條頭疼發熱乃兼表邪也問曰病發熱頭痛身疼惡寒吐利者此屬何病答曰

此名霍亂，自吐下，又利止復更發熱也。

此言霍亂而帶表證也。發熱頭痛，身疼惡寒者，外感風寒表證。風寒乘胃而來，痰飲食積，鬱遏正氣，不得宣行，陡然上吐下瀉，謂之霍亂。若吐利已止，復更發熱，乃裏氣和而表邪未解，當從傷寒解表之法，或無表證。但有腹痛吐利，此爲小邪入裏，當以和裏爲主。

霍亂頭痛發熱，身疼痛，熱多欲飲水者，五苓散主之。
見痰飲方

此言霍亂須分寒熱而治也。頭痛發熱，身疼痛者，

風寒傷於表也。外風而挾內熱，食痰以致吐利，必欲飲水，當以五苓兩解表裏，使邪從汗出裏邪，即從小便而去。不欲飲水者，寒多無熱，胃陽氣虛，當以理中丸溫中散寒爲主。此以表裏寒熱辨證治病，則霍亂一證畢矣。

理中丸

人參

甘草
炙

白朮

乾薑

已上各
三兩

右四味搗篩爲末，蜜和丸如鷄子黃大，以沸湯數合和一丸，研碎溫服之。日三夜二，腹中未熱益至三四丸，然不及湯湯法，以四物依兩數切用，水八

升煮取三升去滓溫服一升日三服

加減法

若臍上築者、腎氣動也、去术加桂四兩、吐多者去术加生薑三兩、下多者還用术、悸者加茯苓二兩、渴欲飲水者加术、足前成四兩半、腹中痛者加人參足前成四兩半、寒者加乾薑足前成四兩半、腹滿者去术加附子一枚、服湯後如食頃飲熱粥一升許、微自汗勿發揭衣被、

吐利止而身痛不休者當消息和解其外宜桂枝湯、小和之、

利汗出發熱惡寒四肢拘急手足厥冷者四逆湯

主之

方見少陰

張仲景金匱要略卷三

構李沈明宗目南甫編註

百合

論曰、百合病者、百脉一宗、悉致其病也、意欲食復不能食、嘗默默、欲臥不能臥、欲行不能行、飲食或有美時、或有不欲、聞食臭時、如寒無寒、如熱無熱、口苦小便赤、諸藥不能治得、藥則劇吐利、如有神靈者、身形如和、其脈微數、每渴時頭痛者六十日愈、若渴時頭不痛、淅淅然者四十日愈、若渴時快然、但頭眩者二十日愈、其證或未病而預見、或病四五日而出、或病

二十日或一月後見者各隨證治之

蓋詳百脉一宗悉致其病乃人身五臟六腑十二經絡皆致其病然雖臟腑百脉皆病終不離乎肺主氣心主血心營肺衛受邪也夫營行脈中衛行脈外晝日行陽二十五度夜行陰二十五度邪氣隨其營衛流行經脈臟腑朝會氣口以故見證不一爲百脉一宗悉致其病也若邪氣滯於胸中連及上脘則意欲食復不能食走於肝腎故常默默傳入太陰脾胃故欲臥不能臥欲行不能行邪去於胃飲食或有美時壅抑胃氣不伸則不欲聞食

臭時熱流於腎故如寒無寒虛邪鬱抑心包主焦
故如熱無熱轉於胆腑則生口苦流於膀胱並入
小腸故小便赤然藥入此臟而邪往彼臟藥力不
能追病所以諸藥不能治反傷胃氣得藥則刺胃
中營衛之氣不和吐利如有神靈外無表熱身形
如和脉微數者數爲陰虛微屬氣弱要知邪正氣
血皆虛纏綿爲病矣以上諸證非一日盡現是數
十日移易而見證若始起於肺道與膀胱則子母
之氣合病然膀胱之氣下達則溺而溺時邪鬱於
巔不能下達故每溺時頭痛然膀胱太陽屬寒水

之經當以地六成之之數定期則當六日氣更轉過一臟應當六十日終於五臟六腑故頭痛者六十日愈若邪氣積於肺之皮毛而溺時通泄肺氣故淅淅然因肺之經脉而不上頭故溺時頭不痛但洒洒然矣以地四生金之數應之四日氣更轉過一臟當行四十日終於五臟六腑故頭不痛而淅淅然者四十日愈若邪鬱心包而木火通氣邪亦通故溺時快然以地二生火之數應期二日氣更轉過一經是當二十日終於五臟六腑故快然

者二十日愈。若心營肺衛是動爲本病而預見或始起為寒無寒後見如熱無熱故曰四五日而出也。若治感冒六淫之病以汗吐下虛其正氣餘邪藏伏營衛之中故二十日一月後見病是當隨證治之。

百合病見於陰者以陽法救之見於陽者以陰法救之見陽攻陰復發其汗此爲逆見陰攻陽乃復下之此亦爲逆。

此治百合病之要法也邪正兩虛微邪伏於營衛邪正流行而病當分陰陽以施救治陰陽者卽亦

營肺衛之氣血也。病見於陰者，邪從陽分傳入於陰，必當先清氣分之邪，使氣邪清而不傳於陰。陽氣和而旋運，陰邪不能粘滯，則邪解而病自愈。故曰見於陰者，以陽法救之。若邪在陽，則陽盛陰虛，當濟其陰，以和其陽，使邪自去而熱自退。故曰見於陽者，以陰法救之。設不以見陰和陽，見陽和陰，而見陽反攻其陰，復發其汗，見陰反攻其陽，而復下之，逆施倒行，誅伐無過。陰陽盡傷，故爲逆也。百合病不經吐下發汗，病形如初者，百合地黃湯之此未病而預見之方也。不經吐下發汗而病形如

初乃始起病時就顯如寒無寒如熱無熱是因氣
血素虛受邪以隨經脉流行臟腑而現諸證若拘
證治證則藥至此而邪在於彼必無取効矧不因
吐下發汗而得是無偏陰偏陽之可責不必守其
經證而治但和心營肺衛之病源俟源清則病自
退故用百合味苦氣涼入肺以清氣熱生地黃入
心補血而涼血熱同泉水補陰而抑陽使陰陽和
而積熱並瘀血自從大便而去故曰當如漆也

百合地黃湯

百合 七枚

生地黃汁 一升

右以水洗百合浸一宿當白沫出去其水更以泉水二升煎取一升去滓內地黃汁煎取一升五合分溫再服中病勿更服大便當如漆

百合病一月不解變成渴者百合洗方主之

此病久不解變渴之方也一月不解邪火偏熾而鬱於胃消耗津液肺胃熱燥所以變渴邪氣不隨營衛流行痺着胃中又非百合病之常治矣病雖在胃始終百脉一宗而爲治法之綱故用百合瀆水瀆皮毛以清氣血統領之帥而助清肅之令三行是羸脾俾木火消平諸證皆瘳食以煮餅而調

養其胃勿以鹽豉恐其引入血分故也

右以百合一升以水一斗漬之一宿以洗身洗已食煮餅勿以鹽豉也

百合病渴不差者括蔞牡蠣散主之

此用洗方渴不差而出方也洗方乃獨調肺胃受邪此母病子亦病邪運下焦腎與膀胱氣熱水虧因氣鬱不舒而上熱不散故洗之而渴不差更用括蔞根清肺止渴而生腎水牡蠣收陰補腎又泻膀胱之熱俾子母相生陰長陽消渴自止矣

括蔞牡蠣散

括囊根

牡蠣

分等

右爲細末飲服方寸匕日三服

百合病變發熱者百合滑石散主之

此邪鬱肺氣爲病也邪滯肺氣壅逆不流故變發
熱方用百合獨清肺氣之熱滑石甘涼以利諸竅
使膀胱與肺子母氣和上通下達便當微利邪從
膀胱而去熱自除矣

百合滑石散

百合

一兩

滑石

二兩

右爲散飲服方寸匕日三服當微利者止服熱則

除

百合病發汗後者百合知母湯主之。

此下皆指二十日一月後見病之方也先因感胃六淫之病發汗而傷肺胃津液餘邪未徹淫舍營衛之間故成百合病也然肺氣熱而腎水則虛膀胱之氣亦熱故用泉水同百合養陰而清肺熱之源同知母以養腎水而瀉膀胱之熱清金生水腎得通調膀胱之氣得化病則愈矣

百合知母湯

百合 七枚

知母 三兩

百合

君先以水洗百合，瀆一宿，當自沫出去其水，更以
泉水二升煎取一升去滓，別以泉水二升煎知母
取一升，後合煎取一升，五合分溫再服。

百合病下之後者，滑石代赭湯主之。

此下後變病之方也。下傷腎與膀胱之陰邪，而膀胱邪正化而爲熱，流行臟腑，故致百合病也。此卽見於陰者，當以陽法救之之證，故用泉水同百合先清肺氣上源之熱，而生腎水，俾膀胱之熱亦清同百合代赭，鎮逆養血，而和營衛，以滑石通陽而利諸竅，邪從小便去矣。

滑石代赭湯

百合七枚

滑石三兩碎
細裹

代赭石如彈丸大
碎
細裹

右先以水洗百合浸一宿當白沫出去其水更以
泉水二升煎取一升別以泉水二升煎滑石代赭
取一升後合和重煎分溫服

百合病吐之後者百合雞子湯主之

此吐後變病之方也。吐傷胸胃之陽津液亦傷微
邪。以隨衛氣流行而成百合病也。故用泉水同百
合。而清肺氣之熱。雞子黃同泉水清熱而補胸膈。
陽中之陰。俾陰陽和而邪自散。病則解。正謂病發

於陽以陰法救之之證也、

百合雞子湯

百合

七枚

雞子黃

二枚

右先以水洗百合一宿、當白沫出去其水、更以
泉水二升煎取一升去滓、內雞子黃攪匀煎五分
溫服、

狐惑病

狐惑之爲病、狀如傷寒、默默欲眠、目不得閉、臥起不
安、蝕於喉爲惑、蝕於陰爲狐、不欲飲食、惡聞食臭、其
面目乍赤乍黑、乍白、蝕於上部則聲嗄、甘草瀉心湯

主之蝕於下部則咽乾苦參湯洗之蝕於肛者雄黃
薰之

此濕熱致病也。狐惑者外感風邪而挾木火相合。
脾胃之間風濕相搏鬱蒸爲毒充斥流溢臟腑喉
肛隨處鬱結腐化氣血爲亟故曰蝕於喉陰上下
等處然風濕相蒸身表發熱狀如傷寒邪入肝腎
則默默欲眠而肝竅開於目肝熱上壅目不得閉
邪乘於胃臥起不安蝕於喉者連及心肺所以爲
惑謂熱淫如惑亂之氣感而生虱也蝕於陰者連
於肝腎及肛所以爲狐謂柔害幽隱如狐性之陰

也邪氣流溢壅鬱於胃不欲飲食惡聞食臭蓋陽明經脈循面入目而肝主色肝風以挾心火乘入胃間循經上逆於面氣血不利或疎或滯則面目乍赤乍黑乍白蝕於喉間連及肺氣閉而不通則聲嘎故用瀉心湯之芩連半夏專瀉風濕痰熱乾薑苦溫散除脾陰之濕而爲嚮導以參术甘棗健脾養胃使元氣不衰升降之機得轉則邪氣得瀉若蝕腎間陰水不能上供而咽乾者用苦參煎水外洗裏服以燥陰分之濕卽殺虫去風之義也或鰈大腸肛門而用雄黃薰之亦取驅風燥濕殺虫

解毒之意耳

甘草瀉心湯

甘草

四兩
炙

黃芩

三兩

乾薑

三兩

半夏

半升

黃連

一兩

大棗

十二枚
擘

人參

三兩

右七味以水一斗煮取六升去滓再煎取三升溫服一升日三服

苦參湯

苦參一升以水一斗煎取七升去滓、燻洗、咽三服、雄黃一味爲末筒瓦二枚令之燒向肛燻之、病者脉數無熱微煩、默默但欲臥初得之汗出三四

日目赤如鴟眼七八日目四皆黑若能食者膿已成
也赤豆當歸散主之

此風濕內鬱爲病將成狐惑之機也脉數無熱微
煩是表無熱而裏有熱矣風鬱肝腎之氣不升故
默默但欲臥溢心則汗出然初得之時邪氣還在
於上三四日風熱氣壅於目病在氣分則目赤如
鴟眼至七八日邪氣深入營血壅滯不利故目四
眴黑若能食者風濕不乘於胃乃流於腸壅逆腸
中血氣不利而成腸癰臘毒之類故謂膿已成用
赤小豆去濕清熱而解毒排膿當歸活血養正以

聖血中之風漿水屬陰引歸豆入陰驅邪爲使斯
治風濕流於腸胃而設非狐惑之方也

赤豆當歸散

赤小豆

三升浸令毛出擗乾

當歸

十兩

右二味杵爲散漿水服方寸七日三服

陽毒陰毒

陽毒之爲病面赤班班如錦紋咽喉痛唾膿血五日
可治七日不可治升麻鱗甲湯主之○陰毒之爲病
面目青身痛如被杖咽喉痛五日可治七日不可治
升麻鱗甲湯去雄黃蜀椒主之

陽者在天爲氣風暑火也。感於人身。陽經氣分猶似風傷衛證未經發散傳至陽明。多血多氣之腑羈留日久壅滯營衛不通。血氣大熱機將熟腐則發。陽毒在於肌肉皮膚之間。故面赤班班如錦紋。陽火內逆上冲而咽喉痛邪熱蝕喉侵血則睡瞶血矣。然定五日可治者五。乃土數而爲一候。土氣衝和營衛未至殘敗故爲可治。若經七日陰機化滅。陽氣獨盛致於自絕故不可治。方用升麻鱉甲湯之升麻甘草皆入陽明氣分升散風熱之邪。雄黃以搜肝木諸臟之風而和中解毒。然陽熱過盛

必傷陰。血而發於陽者、當以陰法救之。故用當歸。
鱗甲、擅走肝經、滋陰活血、而宣風鬱、即風氣通肝、
血足風滅之義也。木火通氣、風鬱於中、勢必挾同。
相火上炎、爲毒故以蜀椒分導火熱下行、納歸其
根、風邪則能上行而從汗出解也。○陰者、天之殺
氣、卽寒濕燥也、感於人之陰經、血麻猶似寒傷營
證、未經發散邪、正相搏、羈留日久、一身營血受傷、
凝滯不通、旋運之機不轉、營血大熱、機將熟腐、則
肌肉面目皆青、身痛如被杖、而爲陰毒、熱毒上昇、
無所發越、冲於咽喉、故痛也、至於五日、一候土氣

冲和營衛未至傷敗故爲可治若經七日陽氣鬱極陰血殘敗不可治矣然陰毒者非陰寒之陰卽陰血受寒爲陰而血凝不散故成陰毒非關氣分受風故去雄黃之燥不挾相火內炎故除蜀椒之熱但用升麻甘草升散陽明血中之毒當歸鱉甲養陰宣血和肝俾微汗出而毒自解矣後人不解其義視爲陰寒直中變爲陰毒擬用霹靂散正陽丹皆是未入仲景藩籬耳惟元時王安道辨非陰寒直中可謂言直理正惜其又云天地惡毒異氣混淆未明使後人無所措手近代徐註亦謂直中

陰寒久而不解爲毒然陰寒直中頃刻真陽敗散而死豈待久而不解結成陰毒者乎若陰毒果屬直中陰寒仲景豈不知驅陰救陽爲急反於升麻鱗甲湯中去雄黃之燥蜀椒辛熱之理哉試觀方後云服後老小再服取汗欲洩其毒此意甚明若屬陽虛陰寒豈有取汗而反傷其陽註家不察立言之意故釋鄙語而辯之

門生施學圃曰少陰所至爲瘍疹身熱少陽所至爲嘔嘔瘡瘍乃時令風熱化爲斑疹非陽毒也金匱謂面赤斑斑如錦紋者是感風寒未經發散凝

滯氣血外傷皮膚肌肉內潰臟腑營衛氣血生死立判謂之陽毒與內經不侔故予表之

升麻鱉甲湯

升麻二兩

蜀椒一兩炒去汗

雄黃五錢研

甘草二兩

當歸一兩

鱉甲手指大一片炙

右六味以水四升煮取一升頓服之老小再服取汙陰毒去蜀椒雄黃

張仲景金匱要略卷四

擣李沈明宗日南甫編註

瘧

師曰瘧脉自弦弦數者多熱弦遲者多寒弦小緊者下之差弦遲者可溫之弦緊者可發汗鍼灸也浮大者可吐之弦數者風發也以飲食消息止之

此以脉之遲數弦緊而分表裏寒熱陰陽虛實爲治瘧之綱也瘧乃風寒各半兩傷營衛邪正相搏更盛更虛故顯往來寒熱而謂之瘧然風氣通於肝所以瘧脉自弦或見遲數不弦乃偏暑濕燥水

之邪不因風邪主病若弦而兼數乃陰虛陽盛則多熱弦而兼遲乃陽虛陰盛則多寒弦小緊者寒實之邪居於裏故下之差弦遲者風挾虛陽而寒實故可溫之弦緊者寒邪偏多而深居營分寒凝血實故可發汗或針灸浮大者風邪偏多衛分主病而淺風性輕揚上浮故可吐之弦數者風多而助木火謂之風發邪乘於胃消爍津液熱渴煩寃當以甘寒飲食而救胃中津液煩渴則止卽蔗漿梨汁之類故曰消息止之

陰氣孤絕陽氣獨發則熱而少氣煩寃手足熱而欲

嘔名曰癰瘡若但熱不寒者邪氣內藏於心外舍分肉之間令人消爍脫肉

此卽經謂肺素有熱氣盛於身厥逆上衝中氣實而不外洩或有所用力腠理開發風寒舍於皮膚之內分肉之間而發謂之癰瘡而肺素受熱重感寒邪內藏於心心陽益盛乘尅肺陰爲陰氣孤絕邪偏陽火熾盛爲陽氣獨發肺受火刑則少氣煩冤手足熱而欲嘔然陽氣獨發乃微有酒漸惡寒則肺熱挾併心火齊轉發熱如灼卽熱多寒少一二九二八之分故爲癰瘡卽溫瘡其脉如平不弦是

也邪氣藏心心陽發病肺邪不能復心爲寒故但
熱不寒邪氣外舍分肉之間所以消爍脫肉蓋瘧
病乃營衛兩受其邪故顯往來寒熱此偏於心肺
氣分邪多故但熱不寒而脉亦不弦也

溫瘧者其脉如平身無寒但熱骨節疼煩時嘔白虎
加桂枝湯主之

此溫瘧卽前瘧瘧而出方也瘧乃營衛受邪風寒
相半故往來寒熱必見弦脉爲常此偏肺素受熱
氣盛於身陰氣先絕陽氣獨發邪熱偏客於心不
涉風木主病故脉不弦而平卽內經火淫所勝肺

氣受剋勝復之瘧也。然陽既獨發於心，不入陰分，則身亦無寒而但熱。陽邪在表，惟有骨節疼痛，心火乘胃，耗乾津液，邪火上冲，所以時嘔。故用白虎湯養胃生津，救肺加桂枝和營衛，而驅偏表之邪，俾金清而生水，以水制火，則瘧自愈。

白虎加桂枝湯

知母六兩

去皮

石膏一斤

蜜

甘草二兩

炙

粳米二合

桂枝三兩

右五味以水一斗煮米熟湯成去滓溫服一升日三服。一云右剉每五錢水盞半煎至八分去滓溫

卷之三
服汗出愈

瘧多寒者名曰牡瘧蜀漆散主之

此寒多熱少之方也。瘧多寒者如三七二人之分也。瘧發必因衛邪入於營分則寒營邪出衛則熱此屬衛邪多而營邪少衛邪拒格營邪不得外出入衛爲熱故寒多而熱少方用蜀漆散和漿水吐其胸中拒格之邪則營分之微邪亦隨上出一舉兩得而蕩逐無餘蓋蜀漆乃常山苗也常山善吐此不用常山而用蜀漆者取其苗性輕揚以入重陽之界引拔其邪合之龍骨鎮心寧神蠲除伏氣

本草謂雲母甘平屬金主肺而肺金得補則陰木
自生衛陽之邪不得入陰反從上出牡瘡愈矣

蜀漆散

蜀漆

洗去腥

雲母

燒二日夜

龍骨

等分

右三味杵爲散未發前以漿水服半錢七〇溫瘡
加蜀漆半分臨發時服一錢七

病瘡以月一日發當以十五日愈設不差當月盡解
如其不瘥當云何此結爲癥痕名曰瘡母急治之宜
鱉甲煎丸

此明瘡母而出方也天之寒邪賊風感人虛經臟

肺營衛兩受更盛更虛證見往來寒熱故爲瘧也
然瘧邪相搏必應天地之氣虛實進退轉動病機
故月一日發者發於黑晝月月廓空時氣之虛也
當俟十五日一氣來復白晝月月滿之時天氣實
而人氣復邪氣退而病當愈設不瘥必候天氣再
轉故當月盡解如其不瘥又當云何然月自虧而
滿陰已進而陽已退自滿而虧陽已長而陰已消
天地陰陽運動進退消長已過病尚不愈是屬營
衛已虛正氣不能敵邪外出故不應天地之氣進
退消長邪反鬪畱搏聚左右脇下隱僻空處相

瘀血成形、結爲癥瘕、名曰癰母、日久根深、牢不可拔、故日急治、方用鱉甲煎者、以鼈灰浸酒、煮甲如膠、其味鹹平、專入肝經、血分養陰、而消癥瘕爲君、小柴胡桂枝合大承氣三湯總去三陽表裏未結之邪爲臣、但嫌甘草之緩、枳實破氣直下、故去之、人參白朮阿膠、以養氣血之正爲佐、然外邪必假痰血、結爲癥瘕、以四蟲令桃仁半夏消血化瘀、凡成癥瘕、正氣必結、以烏扇草蘆宣導肺氣之結石、葦瞿麥通利小便、而滲氣分之、濕乾薑以驅血中之寒、丹皮紫蘇能行血滯、而清風化之熱爲使、手

金方去赤硝鼠婦加海藻大戟鹹能軟堅破其堅
壘化水尤善

鱉甲煎丸

鱉甲

十二分
炙

烏扇

三分
燒即射干

黃芩

三分

柴胡

六分

鼠婦

三分
熬

乾薑

三分
蒸

大黃

三分

芍藥

五分

桂枝

三分
熬

葶藶

一分
蒸

石韋

三分

厚朴

三分

牡丹

三分
去心

瞿麥

二分
熬

紫葳

三分
即凌霄花

半夏

一分

人參

一分
炙

廣蟲

五分
熬

阿膠

三分
炙

蜂窠

四分
炙

赤硝

十二分
分

燒蟬

六分
熬

桃仁

二分

右二十三味爲末取煅竈下灰一斗清酒一斛五

斗浸灰俟酒盡一半着鱉甲於中煮令泛爛如膠
漆絞取汁納諸藥煎爲丸如梧桐子大空心服七
丸日三服

論曰夏傷於暑熱氣盛藏於皮膚之內腸胃之外
營氣之所舍也令人汗空疎腠理開因得秋氣汗
出遇風及得之以落水氣舍於皮膚之內與衛氣
並居乃明營分受暑衛分受風或挾水寒而營衛
兩受其邪更盛更虛陰陽相爭故爲瘧也然有衛
分受風營分受寒或衛分受熱營分受濕皆顯症
來寒熱但營衛兩受其邪瘧病之常而後人不察

經旨但言上半日屬陽分、下半日屬陰分、遺其營衛兩受於邪之大陰陽不用營衛二分之藥故治瘧病不中式者多矣又有先傷於寒而後傷於風先傷於風而後傷於寒故先熱而後寒先寒而後熱也有五臟六經之瘧一日發二日發之瘧內經悉備所以金匱不復再陳僅補脉之弦緊遲數而辨風寒偏多偏少證補陰氣孤絕之瘧瘧寒多之牡瘧邪結之瘧母乃內經未發之旨故出自白虎加桂枝湯蜀漆散鱉甲煎丸欲人觀其立方之意卽偏多偏少偏寒偏熱與陰陽平半等瘧卽能觸處

成方矣

附外臺秘要三方

牡蠣湯治牡瘡

牡瘡卽仲景謂瘡多寒者是也因衛邪多而拒格營之微邪不出所以寒多熱少故以牡蠣收陰養正而截瘡甘草和中以麻黃取汗通陽而驅營分之邪屬漆以吐上焦衛分之熱深得仲景之意故

附錄參考

牡蠣

四兩

麻黃

四兩去節

甘草

二兩

蜀漆

三兩

右四味以水八升先煮蜀漆麻黃去上沫得六升

內諸藥煮取二升溫服一升若吐則勿更服

柴胡去半夏加括蔞根湯治瘧病發渴者亦治勞瘧

小柴胡湯陰陽表裏兩解之方也瘧乃營衛風寒兩受之證故用之而爲兩解余謂方中加芎歸以驅營分之邪尤妙若瘧病發渴者木火乘於胃中消耗津液故去半夏之燥加括蔞根清熱生津止渴則營衛和而瘧自愈勞瘧必因擾動營衛不和所致以此和之故亦治也

柴胡

八兩

人參

黃芩

甘草

各三兩

括囊根四兩

生薑二兩

大棗十二枚

右七味以水一斗二升煮取六升去滓再煎取三升溫服一升日二服

柴胡桂枝湯治癰寒多微有熱或但寒不熱服一劑如神

寒多微有熱亦三七二八之分也衛邪入營則寒營邪相隨衛氣行陽則熱此衛邪多而營邪少衛實拒格營中微邪不能外出與衛氣相爭爲熱故寒多微有熱若衛邪過盛營邪全不能出但寒不熱耳方用柴胡桂枝甘草以驅衛分之邪黃芩半

夏枯草根清熱化痰而和裏氣、乾薑溫散營血之
微寒、牡蠣以破堅壘而益真陰、俾汗出則衛邪自
去、瘧病以除、故服一劑如神。

柴胡

半兩加一

桂枝

三兩去皮

乾薑

二兩

括萎根

四兩

黃芩

三兩

甘草

二兩炙

牡蠣

二兩熬

古老家以水一斗煮取六升去滓再煎取三升、溫
服一升日三服初服微煩復服汗出便愈。

張仲景金匱要略卷五

校李沈明宗目南甫編註

中風

夫風之爲病、當半身不遂、或但臂不遂者、此爲痺、脉微而數、中風使然。

此分中風與痺也。風之爲病、非傷於氣、卽侵於血、故當半身不遂、但臂不遂者、邪氣入於肢節之間、故爲痺。痺者邪氣閉塞經隧、氣血不通較之中風、則又輕也。然脉微爲陽氣微而受風、數則風邪化而爲熱、此氣血虛而風客、故脉微而數爲中風使。

然益微數之脉是血虛風熱之實若見浮緩則爲陽弱虛風矣

寸口脉浮而緊緊則爲寒浮則爲虛寒虛相搏邪在皮膚浮者血虛絡脈空虛賊邪不瀉或左或右邪氣反緩正氣卽急正氣引邪囁僻不遂邪在於絡肌膚不仁邪在於經卽重不勝邪入於腑卽不識人邪入於臟舌卽難言口吐涎

此營血素虛寒風入中也風中於表則脉浮冬時寒風中血故寸口脉浮而緊然寒風初入營血故見脉緊爲寒久則風化爲熱則緩而不緊矣血虛

受風謂浮則爲虛、內挾於寒故曰虛寒相搏邪在皮膚言始中之淺也、血虛不能充滿經絡爲絡脉空虛正氣不能送邪外出所以賊邪不滯、賊邪者卽從所不勝來者之風也或左血右氣之中賊邪纏綿不散而反爲緩正氣日衰故爲卽急正氣虛處引邪而進閉塞經絡營衛不利則爲渴僻不遂渴僻者邪犯陽明少陽經終口眼歪斜是也不遂者半身手足不用也週身之絡皆在肌肉皮膚之間風邪癥於絡脈氣血不行則爲不仁羈持經氣不能周行通暢則重不勝邪入於腑者塞胸膈神

機不能出入鑒照則不識人入於五臟併奏於心臟真不能澆灌於舌舌卽難言風乘於胃胃熱則緩臟氣不攝廉泉開而涎沫出矣

寸口脉遲而緩遲則爲寒緩則爲虛營緩則爲血虛衛緩則爲中風邪氣入經則身癢而癰疹心氣不足邪氣入中則胸滿而短氣

此衛陽氣虛而招風中也寸口脉遲者真陽氣虛陰寒氣盛故曰遲則爲寒正氣虛而受風脈則緩而不緊故曰緩則爲虛然緩有二辨若見凹血爲緩在內氣虛不攝則內病凸血若見中風爲緩在

外。乃。陽。虛。衛。弱。而。招。風。中。若。營。衛。未。致。大。虛。邪。氣。
不。能。內。入。持。於。經。絡。風。血。相。搏。風。邪。主。病。則。發。身。
癥。癰。疹。邪。機。外。出。之。微。卽。風。強。而。爲。癰。疹。是。矣。若。
心。氣。不。足。正。不。禦。邪。進。而。擾。亂。於。胸。大。氣。不。轉。津。
液。化。爲。痰。涎。則。胸。滿。短。氣。是。心。肺。中。風。爲。病。也。蓋。
賊。風。內。入。最。怕。入。心。乘。胃。而。成。死。證。所。以。本。論。垂。
此。二。篇。妙。義。則。思。過。半。矣。

論曰。經謂四時風之爲病。或爲寒熱。或爲熱中。或
爲寒中。或爲癘風。偏枯。膾風。目風。內風。漏風。首風。
腸風。泄風。五臟六腑之風者。蓋因風性善行數變。

無所不至也。或腠理開則灑然寒閉則熱而闊寒衰食飲熱消肌肉怯慄寒熱目黃泣出而爲大綱須以靈素金匱互明脉證常變之法使人觸類旁通治病則妙用無窮夫脉微而數爲風脉之正浮緊遲緩爲風脉之變浮爲血虛風入之正緊爲血虛風入之變遲乃真陽不足之正緩爲衛氣不充之變然半身不遂爲中風之正但臂不遂爲中風之變曰皮膚絡脉左右緩急喟僻不遂皮膚不仁卽重不勝卽不識人舌卽難言口吐涎沫身癢癩疹胸滿短氣諸證者是欲後人悟明表裏陰陽臟腑

腑氣血營衛虛實寒熱標本常變諸法而治中風
則信手拈來頭頭是道矣

侯氏黑散治大風四肢煩重心中惡寒不足者外臺治風

直侵肌肉臟腑故爲大風邪困於脾則四肢煩重
陽氣虛而風未化熱則心中惡寒不足故用參术
茯苓健脾安土同乾薑溫中補氣以菊花防風能
驅表裏之風芎歸宣血養血爲助桂枝導引諸藥
而開導着以礬石化痰除濕牡蠣收陰養正桔梗
開提邪氣而使大氣得轉風邪得去黃芩專清風

化之熱，細辛祛風，而通心腎之氣，柏枝翠藥至周身經絡爲使也。

侯氏黑散

菊花	四十 分	白术	十分	防風	十分	桔梗	人分
黃芩	五分	細辛	三分	乾薑	三分	人參	三分
茯苓	三分	當歸	三分	川芎	三分	牡蠣	三分
礬石	三分	桂枝	三分				

右十四味，杵爲散，酒服方寸匕，日一服。初服二十日，溫酒調服，禁一切魚肉大蒜，常宜冷食。六十日止，卽藥積在腹中，不下也。熟食卽下矣。冷食自能

助藥力

風引湯除熱癱瘓治大人風引少小驚癇瘛瘲日數十發醫所不療除熱方外臺
熱風而乘血虛中入邪正相搏木火互征風化爲
熱則心熱熾盛血脈壅着故成熱癱瘓也是以大
黃下徹心脾之熱龍牡收攝心腎相交牡蠣同寒
水石濟水之主而鎮陽光赤白二脂紫石英以養
心脾之正石膏專清風化之熱滑石以利竅通陽
桂枝甘草和營衛而驅風外出然以大黃石膏牡
蠣寒水石諸寒藥爲君者因時令熱風之製恐寒
涼太過致傷胃氣故用乾薑溫中爲佐巢氏治脚

氣因其藥性下達龍牡收鎮心腎故也。

風引湯

大黃

四兩

乾薑

四兩

龍骨

四兩

牡蠣

二兩

桂枝

三兩

甘草

二兩

寒水石

滑石

赤石脂

白石脂

紫石英

石膏

各六
兩

右十二味杵粗篩以葦囊盛之取三指撮井花木
三升煮三沸溫服一升○巢氏云脚氣宜風引湯
防已地黃湯治病如狂狀妄行獨語不休無寒熱其
脉浮○頭風摩散

頭風應宜別論原文不便分出故連註也蓋熱風

邪入於心風火相搏神識躁亂不寧故如狂狀妄行而心主語風火熾盛於心獨語不休經謂心風焦絕善怒嘯是也風邪入內表無寒熱但麻浮耳此少陰時令感冒風火入心是爲溫熱病之製非治中風之方乃編書者誤入然中風證非四肢不收卽渴僻半身不遂何能得其狂狀妄行讀者詳之因心經血虛火盛受風故用生地涼血養血爲君乃取血足風滅之義甘草以和營衛防風防已驅風而使外出也頭風用摩散者乃寒風入於經絡故用附子味辛大熱摩其患處而散寒鹽能引

入血分祛邪故也

防已地黃湯

防已一分 甘草一分 桂枝三分 防風三分

右四味以酒一盃浸之一宿絞取汁生地黃三觔
哎咀蒸之如斗米飯丸以銅器盛其汁更絞地黃
汁和分再服

頭風摩散

大附子

一枚

鹽等分

右二味爲散沐子以方寸匕以摩疾上令藥力行

附方

古今錄驗續命湯治中風痱身體不能自收持口
不能言冒昧不知痛處或拘急不得轉側

靈樞云痱之爲病身無痛者四肢不收智亂不甚其言微甚則不能言不可治故後人倣此而出方也風邪入於臟腑營衛經絡皆痱則身體不能自收持口不能言痱着營衛所以冒昧不知痛處然風氣通肝肝之經絡受邪在外則拘急不能轉側故用麻黃湯通陽使邪從表而出然痱因氣血大虧所致故以乾薑芎歸人參溫補氣血爲本加石膏辛甘能散風化之熱但邪機內向而無汗者故

用麻黃。開腠散邪。若自汗者。當易桂枝湯加諸藥。則善。

麻黃

三兩

桂枝

三兩

杏仁

四十粒

甘草

三兩

乾薑

二兩

石膏

三兩

川芎

一兩

當歸

三兩

人參

三兩

右九味以水一斗煮取四升溫服一升當小汗薄覆脊懸几坐汗出則愈不汗更服無所禁勿當風並治但伏不得臥欬逆上氣面目浮腫

千金三黃湯治中風手足拘急百節疼痛煩熱心亂惡寒經日不欲飲食

肝主筋節邪在肌表筋節應之手足拘急百節疼

痛肝風乘心則煩熱心亂然心虛則熱收於內外反惡寒矣木邪橫格胃氣不伸經日不欲飲食此邪尚在三陽經絡故用麻黃開腠通陽恐其虛風不任麻黃發散以黃芪制之獨活細辛以疏心腎之氣相交邪卽外出黃芩專清風化之熱也

麻黃

五分

獨活

四分

細辛

二分

黃芪

二分

黃芩

三分

右五味以水六升煮取二升分溫三服一服小汗二服大汗心熱加大黃二分腹滿加枳實一枚氣逆加人參三分悸加牡蠣三分渴加括蔞根三分先有寒加附子一枚

近効方。木附湯治風虛頭重眩苦極不知食味。養肌補中益精氣。

脾腎氣虛招風中入。風氣通肝乘於脾胃中。氣虛而不能主持。風爲掉眩。故頭重眩苦極。胃氣不伸。則不知食味。然陽虛則肌肉不溫。所以附子補陽而生脾土。甘木健脾溫胃。所謂緩肌補中。卽是益精氣也。

白术一兩

附子一枚半

炮去皮

甘草一兩

炙

右三味剉每五錢。七薑五片。棗一枚。水盞半煎。分去滓溫服。

千金方越婢加术湯治肉極熱則身體津脫腠理開汗大泄厲風氣下焦脚弱

風入於胃風濕相蒸則肉極熱故腠理開津液外越則汗大泄爲身體津脫而陽明胃腑營衛之源多血多氣之經賊邪壅過於胃熱蒸營衛則肌肉腐爛而爲厲風下焦脚弱者亦屬陽明氣虛風濕所致故用甘木薑棗補胃而行營衛麻黃輕浮以徹風氣從表而出雖汗大泄而爲表虛得白朮石膏清散陽明風熱俾邪去汗不泄矣

麻黃六兩

石膏半觔

半觔

甘草二兩

二兩

生薑二兩

白朮四兩

大棗十五枚

右六味以水六升先煎麻黃去上沫內諸藥煎取
三升分溫三服惡風加附子一枚

歷節

寸口脉沈而弱沈卽主骨弱卽主筋沈則爲腎弱卽
爲肝汗出入水中如水傷心歷節痛黃汗出故曰歷
節此肝腎虛而傷水病歷節黃汗之因也經以兩手
寸關尺皆爲寸口此寸口者卽兩手脉沈而弱也
凡爲腎氣不足而主骨弱爲肝血虛而主筋然肝

腎氣血不足，則寸口脈沈而弱。打腎虛而汗出，入水水濕傷而流於關節筋骨之間爲邪。在表則病歷節而不病黃汗。或內入傷營爲入水傷心則病黃汗矣。然傷邪雖一病分表裏不同，此總結爲歷節黃汗出故又曰歷節也。蓋觀下文是非盡屬外邪所致。或飲酒內濕或汗出當風風寒濕內外相合。成痺妙義無窮。讀者詳之。

味酸則傷筋筋傷則緩。名曰泄。鹹則傷骨骨傷則痿。名曰枯。枯泄相搏名曰斷泄。營氣不通衛不獨行。營衛俱微三焦無所御四屬斷絕身體羸瘦。獨足腫大。

黃汗出、脛冷假令發熱便爲歷節也。

此互前條飲食內傷肝腎卽同虛勞若受外邪則爲歷節黃汗之證也。經云謹和五味骨正筋柔血氣以流腠理以密此因五味不調味過於酸則傷肝肝主筋而肝傷則筋亦傷筋傷則縱緩不收血亦不欬故名曰泄。味過於鹹則傷腎腎主骨而腎傷則骨亦傷骨傷則髓不滿痿弱內乾故名曰枯若受外邪襲於營血則精血不流所以爲斷濕熱傷肝消耗精血而爲泄筋緩精枯故謂枯泄相搏名爲斷泄但營衛本相依附而行邪侵營血血滯

腠。滯。衛。不。獨。行。營。衛。不。長。以。致。俱。微。三。焦。而。無。所。
御。御。者。統。也。乃。陰。陽。營。衛。皆。不。統。溢。於。四。肢。故。日。
四。屬。斷。絕。而。邪。熱。內。蒸。消。耗。氣。血。肌。肉。外。顯。身。體。
羸。瘦。風。濕。下。流。氣。血。壅。滯。獨。足。腫。大。矣。若。黃。汗。出。
脰。冷。者。乃。外。水。傷。於。營。血。則。爲。黃。汗。若。發。熱。者。邪。
居。關。節。之。表。乃。病。歷。節。而。不。病。黃。汗。也。

趺。陽。脈。浮。而。滑。滑。則。穀。氣。實。浮。則。汗。自。出。

此。診。趺。陽。則。知。胃。家。內。濕。招。風。爲。病。也。趺。陽。脈。浮。
浮。爲。風。邪。入。胃。滑。屬。水。穀。爲。病。此。顯。脉。浮。而。滑。者。
乃。素。積。酒。穀。濕。熱。招。風。爲。穀。氣。實。然。內。濕。外。風。相。

蒸風熱外越津液隨之故汗自出也
少陰脉浮而弱弱則血不足浮則爲風風血相搏則
疼痛如掣

此少陰乃指左寸心脉也心主血而脉弱則爲血不足浮則爲風血虛風客痺着經隧風血相搏故
疼痛如掣卽經風氣勝者爲行痺是也

盛人脉濶小短氣自汗出歷節疼不可屈伸此皆飲酒汗出當風所致

此內濕外風表裏合病也體盛之人脉應盛而反濶小卽知正虛濕盛之故因素積酒穀濕熱熱蒸

腠理開而招風，內襲挾痰，痺着胸間，則爲短氣。風邪入胃內，濕合蒸，則自汗出，然表風連胃內，濕應經風濕，交合於關節之間，故歷節疼，不可屈伸，此飲酒汗出當風，內外合邪所致病也。

諸肢節疼痛，身體尪羸，腳腫如脫，頭眩短氣，溫溫欲吐，桂枝芍藥知母湯主之。

此久痺而出方也。肢節疼痛，邪氣痺於骨節表裏之間，而脾主肌肉，胃爲表裏，胃受痺邪，脾氣亦不充於肌肉，故身體尪羸，風濕下流，脚腫如脫，上行則頭眩，短氣擾胃，則溫溫欲吐，乃脾胃肝腎俱虛。

足三陰表裏皆痺難拘一經主治故用桂枝芍藥
甘木調和營衛充益五臟之元麻黃防風生薑開
腠行痺而驅風外出知母保肺清金以使治節經
謂風寒濕三氣合而爲痺以附子行陽燥濕除寒
爲佐也

桂枝芍藥知母湯

桂枝四兩 芍藥三兩 甘草一兩 麻黃二兩
白朮四兩 知母四兩 防風四兩 生薑五兩
附子二兩
炮

右九味以水七升煮取二升溫服七合日三服
病歷節不可屈伸疼痛烏頭湯主之

此寒濕歷節之方也。經謂風寒濕三氣合而爲痺。此風少寒濕居多。痺於筋脈關節肌肉之間。以故不可屈伸。疼痛卽寒氣勝者爲痛痺是也。所以麻黃通陽出汗散邪。而開痺着。烏頭驅寒。而燥風濕。芍藥收陰之正。以審潤燥兼制烏頭之毒。黃芪甘草固表培中。使痺着開而病自愈。謂治脚氣疼痛者亦風寒濕邪所致也。

烏頭湯○亦治脚氣疼痛不可屈伸。

麻黃

三兩
炙

芍藥

三兩
煎取一升

黃芪

三兩
卽出烏頭

右五味㕮咀四味以水三升煮取一升去滓內蜜煎中更煎之服七合不知更服之

論曰經云風寒濕三氣雜至合而爲痺謂痺之本也又風勝爲行痺寒勝爲痛痺濕勝爲着痺者乃痺證之三大綱也經有五臟六腑之痺有脈痺皮痺筋痺肌痺骨痺靈樞有上下移徙隨脉左右相應各在其處更發更止更居更起以右應左以左應右爲衆痺有在血脉之中隨脉以上隨脉以下不能左右各當其所真氣不能周而爲周痺此皆外邪致病之常也金匱補示飲食內傷脾胃心肺

肝腎致病名曰歷節。然出脈證皆因飲酒濕壅內熱而招外邪合病。謂飲酒汗出當風所致。卽邪之所奏其氣必虛是矣。然或外風而合內濕。內風而招外濕。外寒而合內濕。內熱而招外濕。此等關頭。不可不曉。又當分別風寒濕氣偏多偏少而處發表溫中行陽補虛散邪之法。故治此當與靈素金匱合看。則備若泛用成方。則非良工所爲之事也。

礬石湯治脚氣衝心

夫脚氣一證。仲景不出專論。但附一方。觀其湯下云。治脚氣衝心。然脚氣因風濕寒濕熱所致。經

云傷於濕者、下先受之、陰病者、下行極而上、因上中二焦之氣、先虛脾濕、下流相招、外邪互蒸、成熟上衝於心、卽地氣加天之謂也、故用礬石、味酸性溫、煎湯淋洗、善能收濕澄濁、清熱解毒、然濕從下受、當使下滲而去、則不衝心矣。

礬石

二兩

右一味、以漿水一斗五升、煎三五沸、浸脚良、

附方

崔氏八味丸、治脚氣、上入少腹不仁、少腹乃屬肝腎之地、腎中元陽氣虛、胃關不利、陰

濕上逆以挾腎中寒濕。痺着少腹故致不仁而與
濕熱衝心者大殊。用六味丸固攝真陰使不上逆。
桂附行陽以利機關逐濕開痺俾真氣漸充少腹
鬆軟而病自退矣。

乾熟地

八兩

山茱萸

四兩

薯蕷

四兩

澤瀉

三兩

茯苓

三兩

牡丹皮

三兩

桂枝

一兩

附子

一兩

右八味末之煉蜜和丸梧子大酒下十五丸日再
服。